

Na osnovu člana 70 stav 3 pod c) Zakona o turizmu KS („Službene novine KS“, broj 19/16,31/17,34/17 i 13/21) i člana 24 stav (3) tačka c) Statuta Turističke zajednice Kantona Sarajevo („Službene novine KS“, broj 32/17), Turističko vijeće Turističke zajednice Kantona Sarajevo na 20. hitnoj sjednici donosi

**Izvještajo radu
Turističkog vijeća Turističke zajednice Kantona Sarajevo
za period 01.01.-31.12.2024. godine**

I UVOD

Turističko vijeće Turističke zajednice Kantona Sarajevo imenovano je Odlukom Skupštine Turističke zajednice Kantona Sarajevo (broj 586-5/22 od 13.05.2022. godine), koja se mijenjala i dopunjavala iz razloga jer su članovi Turističkog vijeća Turističke zajednice Kantona Sarajevo podnosili ostave, a novi članovi su se imenovali.

Turističko vijeće Turističke zajednice Kantona Sarajevo u 2024. godini odlučivalo je za period 01.1.-30.04.2024. godine u sastavu:

1. Suad Drpljanin- predsjednik Turističkog vijeća TZ KS
2. Ibrahim Čelik- član Turističkog vijeća TZ KS
3. Elma Bobeta- zamjenica predsjednika Turističkog vijeća TZ KS
4. Ajdin Kršić- član Turističkog vijeća TZ KS
5. Adnan Carina- član Turističkog vijeća
6. Ismar Hadziosmanović- član Turističkog vijeća TZ KS
7. Zlatan Mujak- predstavnik Ministarstva privrede Kantona Sarajevo

Član Turističkog vijeća Turističke zajednice Kantona Sarajevo Elma Bobeta dana 29.03.2024. godine podnijela je zahtjev za razrješenje na mjesto člana Turističkog vijeća Turističke zajednice Kantona Sarajevo broj 645/24 od 02.04.2024. godine, a Skupština je razrješila dana 18.04.2024. godine.

U period od maja do oktobra 2024. godine Turističko vijeće Turističke zajednice Kantona Sarajevo funkcionisalo je bez jednog člana. Nakon okončanog konkursa za izbor i imenovanje jednog člana Turističkog vijeća imenovana je za člana Turističkog vijeća Amila Ćiber dana 17.10.2024. godine.

Turističko vijeće Turističke zajednice Kantona Sarajevo od oktobra do decembra 2024. godine odlučivalo je u sastavu:

1. Suad Drpljanin- predsjednik Turističkog vijeća TZ KS
2. Ibrahim Čelik- član Turističkog vijeća TZ KS
3. Amila Ćiber- zamjenica predsjednika Turističkog vijeća TZ KS

4. Ajdin Kršić- član Turističkog vijeća TZ KS
5. Adnan Carina- član Turističkog vijeća
6. Ismar Hadziosmanović- član Turističkog vijeća TZ KS
7. Zlatan Mujak- predstavnik Ministarstva privrede Kantona Sarajevo

II SJEDNICE TURISTIČKOG VIJEĆA TURISTIČKE ZAJEDNICE KANTONA SARAJEVO

Turističko vijeće Turističke zajednice Kantona Sarajevo je u 2024. godini održalo osam redovnih sjednica (18., 19., 20., 21., 22., 23., 24. i 25.) i deset hitnih elektronskih (9.,10., 11., 12., 13., 14.,15., 16., 17. i 18.).

Službenom zabilježkom od sekretara Turističke zajednice Kantona Sarajevo Turističko vijeće je informisano da je prilikom pregleda zapisnika sa održanih sjednica Turističkog vijeća Turističke zajednice Kantona Sarajevo u 2024. godini utvrđeno da se redoslijedni broj 9. hitne sjednice održane dana 04.12.2023. godine i 10. hitne sjednice održane 21.12.2023. godine, obje održane u 2023. godini ponovio u 2024. godini, i to 9. hitna sjednica dana 02.04.2024. godine (broj 639/24) i 10. hitna sjednica dana 05.04.2024. godine (broj 667/24).

III REDOVNE SJEDNICE TURISTIČKOG VIJEĆA TURISTIČKE ZAJEDNICE KANTONA SARAJEVO

18. REDOVNA SJEDNICA

Na 18. redovnoj sjednici Turističko vijeće donijelo je sljedeće zaključke:

1. Usvaja se zapisnik sa XVII (sedamnaeste) redovne sjednice Turističkog vijeća Turističke zajednice Kantona Sarajevo održane dana 29.11.2023. godine
2. Usvaja se zapisnik IX devete hitne elektronska sjednice održane dana 04.12.2023. godine.
3. Usvaja se zapisnik X desete hitne elektronska sjednice održane dana 21.12.2023. godine.
4. Ukazuje se na obavezu postupanja po članu 2. i 3. Pravilniku o nastupu Turističke zajednice Kantona Sarajevo na međunarodnim sajmovima turizma u Bosni i Hercegovini i inostranstvu.
5. Zadužuje se predsjednik Turističke zajednice Kantona Sarajevo da za narednu sjednicu TV TZKS pripremi detaljan izvještaj sa pregledom svih participacija i suizlagača na sajmovima u 2023. godini.
6. Za sljedeću sjednicu Turističkog vijeća TZ KS pripremiti izmjenu Poslovnika o radu Turističkog vijeća TZKS na način da se idefiniše:” Sjednice Turističkog vijeća Turističke zajednice Kantona Sarajevo se tonski snimaju samo za potrebe sačinjavanja zapisnika, nakon toga se tonski snimak uništava”.

Na 18. redovnoj sjednici Turističko vijeće donijelo je sljedeću odluku:

1. Donosi se Izvještaj o radu Turističkog vijeća Turističke zajednice Kantona Sarajevo za 2023. godinu (broj 132-6/24 od 18.01.2024. godine), koji čini prilog i sastavni dio ove Odluke.

Izvještaj o radu Turističkog vijeća Turističke zajednice Kantona Sarajevo se podnosi Skupštini Turističke zajednice Kantona Sarajevo.

19. REDOVNA SJEDNICA

Na 19. redovnoj sjednici Turističko vijeće donijelo je sljedeće zaključke:

1. Usvaja se zapisnik XVIII (osamneaste) redovne sjednice Turističkog vijeća Turističke zajednice Kantona Sarajevo održane dana 22.01.2024. godine.
2. Zatražiti autentično tumačenje spornih odredaba Zakona o turizmu Kantona Sarajevo i Statuta Turističke zajednice Kantona Sarajevo koji se odnose na Ured za podršku turizmu.

Na 19. redovnoj sjednici Turističko vijeće donijelo je sljedeće odluke:

1. Donosi se Odluka o otpisu osnovnih sredstava.
2. Usvaja se Pravilnik o kriterijima i postupku dodjele sredstava za sufinansiranje projekata od značaja za turizam u Kantonu Sarajevo broj 420-4/24 od 27.02.2024. godine.
Prilog i sastavni dio ove odluke čini Pravilnik o kriterijima i postupku dodjele sredstava za sufinansiranje projekata od značaja za turizam u Kantonu Sarajevo broj 420-4/24 od 27.02.2024. godine.
Stupanjem na snagu ove odluke prestaje da važi odluka broj 1317-4/23 od 09.10.2023. godine sa prilogom i sastavnim dijelom broj 1317-5/23 od 09.10.2023. godine.
3. Daje se saglasnost za odlazak na 4. Međunarodni sajam turizma "Banja Luka 2024" koji se održava 01.03.-03.03.2024. godine.

20. REDOVNA SJEDNICA

Na 20. redovnoj sjednici Turističko vijeće donijelo je sljedeće zaključke:

1. Usvaja se zapisnik sa XIX (devetnaeste) redovne sjednice Turističkog vijeća Turističke zajednice Kantona Sarajevo održane dana 27.02.2024. godine
2. Da se poštuju zaključci Turističkog vijeća Turističke zajednice Kantona Sarajevo broj 939-5/23 od 17.07.2023 i broj 1154-2/23 od 06.09.2023. godine.

Na 20. redovnoj sjednici Turističko vijeće donijelo je sljedeće odluke:

1. Donosi se Odluka o usvajanju Pravilnika o sufinansiranju projekata sa jedicama lokalne samouprave.
2. Donosi se Odluka o usvajanju Pravilnika o računovodstvenim politikama Turističke zajednice Kantona Sarajevo
3. Donosi se Odluka o usvajanju Pravilnika o dopuni Pravilnika o kriterijima i postupku dodjele sredstava za sufinansiranje projekata od značaja za turizam u Kantonu Sarajevo.

21. REDOVNA SJEDNICA

Na 21. redovnoj sjednici Turističko vijeće donijelo je sljedeće zaključke:

1. Usvaja se zapisnik sa XX (dvadesete) redovne sjednice Turističkog vijeća Turističke zajednice Kantona Sarajevo održane dana 29.03.2024. godine
2. Prima se k znanju informacija da je na svojoj 27. redovnoj sjednici održanoj dana 15.04.2024. godine Skupština Turističke zajednice Kantona Sarajevo prihvatila ostavku članice Turističkog vijeća Elme Bobete i razrješila je na njen lični zahtjev dužnosti člana Turističkog vijeća Turističke zajednice Kantona Sarajevo.

Turističko vijeće Turističke zajednice Kantona Sarajevo konstatuje da je Elma Bobeta bila delegirana ispred Turističkog vijeća Turističke zajednice Kantona Sarajevo u komisiju za odlučivanje po prigovorima u vezi sa javnim pozivom/ima u skladu sa Pravilnikom o kriterijima i postupku dodjele sredstava za sufinansiranje projekata od značaja za turizam u Kantonu Sarajevo.

Razrješenjem Elme Bobete sa mjesta člana Turističkog vijeća Turističke zajednice Kantona Sarajevo prestala su prava i dužnosti u komisiji koja odlučuje po prigovorima u vezi sa javnim pozivom/ima u skladu sa Pravilnikom o kriterijima i postupku dodjele sredstava za sufinansiranje projekata od značaja za turizam u Kantonu Sarajevo.

3. Član Turističkog vijeća Turističke zajednice Kantona Sarajevo Ajdin Kršić delegira se ispred Turističkog vijeća Turističke zajednice Kantona Sarajevo u Komisiju koja odlučuje po prigovorima u vezi sa javnim pozivom/ima u skladu sa Pravilnikom o kriterijima i postupku dodjele sredstava za sufinansiranje projekata od značaja za turizam u Kantonu Sarajevo.

Na 21. redovnoj sjednici Turističko vijeće donijelo je sljedeće odluke:

1. Odluka o usvajanju prijedloga izmjena i dopuna Programa rada Turističke zajednice Kantona Sarajevo za 2024. godinu

2. Odluka o usvajanju prijedloga izmjena i dopuna Finansijskog plana Turističke zajednice Kantona Sarajevo za 2024. godinu

22. REDOVNA SJEDNICA

Na 22. redovnoj sjednici Turističko vijeće donijelo je sljedeće zaključke:

1. Usvaja se zapisnik sa XXI (dvadesetprve) redovne sjednice Turističkog vijeća Turističke zajednice Kantona Sarajevo održane dana 22.04.2024. godine
2. Usvaja se zapisnik sa 9. hitne elektronske sjednice Turističkog vijeća Turističke zajednice Kantona Sarajevo održane dana 02.04.2024. godine
3. Usvaja se zapisnik sa 10. hitne elektronske sjednice Turističkog vijeća Turističke zajednice Kantona Sarajevo održane dana 05.04.2024. godine
4. Usvaja se zapisnik sa 11. hitne elektronske sjednice Turističkog vijeća Turističke zajednice Kantona Sarajevo održane dana 30.04.2024. godine
5. Usvaja se zapisnik sa 12. hitne elektronske sjednice Turističkog vijeća Turističke zajednice Kantona Sarajevo održane dana 17.05.2024. godine

6. Usvaja se zapisnik sa 13. hitne elektronske sjednice Turističkog vijeća Turističke zajednice Kantona Sarajevo održane dana 03.06.2024. godine
7. Zadužuje se predsjednik Turističke zajednice Kantona Sarajevo da dostavi konačan revizorski izvještaj Turističkom vijeću Turističke zajednice Kantona Sarajevo.
8. Prima se k znanju informacija predsjednika Turističkog vijeća Turističke zajednice Kantona Sarajevo vezano za održavanje sastanka sa Skupštinom Turističke zajednice Kantona Sarajevo koji za temu ima organizacija i sistematizacija Turističke zajednice Kantona Sarajevo, a sve u vezi sa mailom koji je Turističko vijeće Turističke zajednice Kantona Sarajevo uputilo dana 22.03.2024. godine Skupštini Turističke zajednice Kantona Sarajevo.
9. Prima se k znanju usmena informacija Dženane Bećirević vezano za Izvještaj o provedenim javnim nabavkama januar- juni 2024. godine.
Zadužuje se Dženana Bećirević da na e- mail dostavi članovima Turističkog vijeća pismeni Izvještaj o provedenim javnim nabavkama januar- juni 2024. godine.
10. Prima se k znanju usmena informacija Dženane Bećirević vezano za realizaciju projekta Sarajevo City Card.
Predstavnik Turističkog vijeća Turističke zajednice Kantona Sarajevo prisustvovati će sastanku sa firmom Agilitas koju predstavlja Elvis Pivić koji će se održati dana 04.07.2024. godine u 13 sati vezano za dalji nastavak projekat Sarajevo City Card.
11. Prima se k znanju usmena informacija Dženane Bećirević vezano za oglašavanje u inostranstvu, odnosno oglašavanje u Saudijskoj Arabiji.
Turističko vijeće Turističke zajednice Kantona Sarajevo smatra da ukoliko se vrši oglašavanje u Saudijskoj Arabiji, da to budu mjesta koja su posjećena sa rezidentima i turistima, kao što su aerodromi, granični prelazi, bilbordi na šetnicama i saobraćajnicama.
12. Prima se k znanju usmena informacija Dženane Bećirević vezano za web stranicu i web platformu koja se nalazi u fazi mirovanja.
13. Prima se k znanju informacija da je u fazi izrade Pravilnik o stipendiranju učenika i đaka.
14. Usvaja se Pravilnik o izmjenama i dopunama Pravilnika o kriterijima i postupku dodjele sredstava za sufinansiranje projekata od značaja za turizam u Kantonu Sarajevo
15. Usvaja se Pravilnik o izmjenama i dopunama Pravilnika o plaćama i naknadama plaća radnika Turističke zajednice Kantona Sarajevo

Na 22. redovnoj sjednici Turističko vijeće donijelo je sljedeće odluke:

1. Turističko vijeće Turističke zajednice Kantona Sarajevo daje saglasnost na Plan javnih nabavki, kao i sve izmjene i dopune Plana javnih nabavki bez određivanja vrste postupka javne nabavke, te daje odobrenje na pokretanje postupaka javnih nabavki.

23. REDOVNA SJEDNICA

Na 23. redovnoj sjednici Turističko vijeće donijelo je sljedeće zaključke:

1. Usvajanje zapisnika sa XXII (dvadeset druge) redovne sjednice Turističkog vijeća Turističke zajednice Kantona Sarajevo održane dana 27.6.2024. godine

2. Usvajanje zapisnika sa XIV (četneaste) hitne sjednice Turističkog vijeća Turističke zajednice Kantona Sarajevo održane dana 11.07.2024. godine
3. Usvaja se zapisnik sa XIV (četneaste) hitne sjednice Turističkog vijeća Turističke zajednice Kantona Sarajevo održane dana 11.07.2024. godine
4. Usvaja se zapisnik sa XV (petneaste) hitne sjednice Turističkog vijeća Turističke zajednice Kantona Sarajevo održane dana 14.08.2024. godine
5. Prima se k znanju pismena i usmena informacija Dženane Bećirević vezano za detaljan pismeni izvještaj o realizovanim javnim nabavkama u 2024. godini.
6. Prima se k znanju pismena i usmena informacija Amele Abaspahić vezano za detaljan pismeni izvještaj o realizovanim javnim pozivima u 2024. godini.
7. Predlaže se predsjedniku Turističke zajednice Kantona Sarajevo da turističku destinaciju Izmir vrati na Listu sajмова.
8. Ne prihvata se prijedlog predsjednika Turističke zajednice Kantona Sarajevo da Turističko vijeće Turističke zajednice Kantona Sarajevo bez prethodne saglasnosti Vlade Kantona Sarajevo donese Odluku o isplati jednokratne pomoći radnicima za 2024. godinu po Uredbi o isplati pomoći od strane poslodavca („Sl.FBiH“, broj 56/24).

Na 23. redovnoj sjednici Turističko vijeće donijelo je sljedeće odluke:

1. Usvaja se Pravilnik o izmjenama i dopunama Pravilnika o unutrašnjoj organizaciji i sistematizaciji radnih mjesta Turističke zajednice Kantona Sarajevo.
Prilog i sastavni dio ove odluke čini Pravilnik o izmjenama i dopunama Pravilnika o unutrašnjoj organizaciji i sistematizaciji radnih mjesta Turističke zajednice Kantona Sarajevo.
2. Usvaja se Pravilnik o izmjenama i dopunama Pravilnika o plaćama i naknadama plaća radnika Turističke zajednice Kantona Sarajevo.
Prilog i sastavni dio ove Odluke čini se Pravilnik o izmjenama i dopunama Pravilnika o plaćama i naknadama plaća radnika Turističke zajednice Kantona Sarajevo.

24. REDOVNA SJEDNICA

Na 24. redovnoj sjednici Turističko vijeće donijelo je sljedeće zaključke:

1. Vraća se na doradu zapisnik sa 23. redovne sjednice Turističkog vijeća Turističke zajednice Kantona Sarajevo održane dana 22.10.2024. godine.
2. Dostavljeni prijedlog Pravilnika o izmjenama i dopuna Pravilnika o unutrašnjoj organizaciji i sistematizaciji radnih mjesta Turističke zajednice Kantona Sarajevo koji se odnosi na Službu za razvoj i marketing dodatno će se razmatrati.
3. Dostavljeni prijedlog Pravilnika o izmjeni i dopuni Pravilnika o plaćama i naknadama plaća radnika Turističke zajednice Kantona Sarajevo razmatrat će se na narednoj sjednici.

Na 24. redovnoj sjednici Turističko vijeće donijelo je sljedeće odluke:

1. Usvaja se prijedlog izmjena i dopuna Programa rada Turističke zajednice Kantona Sarajevo za 2024. godinu.

Prilog i sastavni dio ove Odluke čini prijedlog izmjena i dopuna Programa rada Turističke zajednice Kantona Sarajevo za 2024. godinu, broj 1827-4/24 od 07.11.2024. godine.

Prijedlog izmjena i dopuna Programa rada Turističke zajednice Kantona Sarajevo za 2024. godinu u skladu sa Zakonom o turizmu KS i Statutom Turističke zajednice Kantona Sarajevo prosljeđuje se Skupštini Turističke zajednice Kantona Sarajevo na postupanje.

2. Usvaja se prijedlog izmjena i dopuna Finansijskog plana Turističke zajednice Kantona Sarajevo za 2024. godinu.

Prilog i sastavni dio ove Odluke čini prijedlog izmjena i dopuna Finansijskog plana Turističke zajednice Kantona Sarajevo za 2024. godinu, broj 1827-6/24 od 07.11.2024.godine.

Prijedlog izmjena i dopuna Finansijskog plana Turističke zajednice Kantona Sarajevo za 2024. godinu u skladu sa Zakonom o turizmu KS i Statutom Turističke zajednice Kantona Sarajevo prosljeđuje se Skupštini Turističke zajednice Kantona Sarajevo na postupanje

3. Usvaja se Pravilnik o promociji brenda Visit Sarajevo kroz dodjelu finansijske podrške sportistima pojedincima.

Prilog i sastavni dio ove odluke čini Pravilnik o promociji brenda Visit Sarajevo kroz dodjelu finansijske podrške sportistima pojedincima, broj 1827-8/24 od 07.11.2024.

4. Usvaja se Pravilnik o dodjeli poticajnih sredstava tradicionalnim i starim zanatima u cilju razvoja turističkog proizvoda u Kantonu Sarajevo.

Prilog i sastavni dio ove odluke čini Pravilnik o dodjeli poticajnih sredstava tradicionalnim i starim zanatima u cilju razvoja turističkog proizvoda u Kantonu Sarajevo, broj 1827-10/24 od 07.11.2024.

5. Usvaja se Pravilnik o izmjeni Pravilnika o sufinansiranju projekata sa jedinicama lokalne samouprave.

25. REDOVNA SJEDNICA

Na 25. redovnoj sjednici Turističko vijeće donijelo je sljedeće zaključke:

1. Usvaja se zapisnik sa 23. redovne sjednice Turističkog vijeća Turističke zajednice Kantona Sarajevo održane dana 22.10.2024. godine

2. Odlukom Vlade Kantona Sarajevo broj 02-04-49744-31/24 od 07.11.2024. godine usvojene su izmjene i dopuna Programa poticaja razvoja turizma i avio- saobraćaja na području Kantona Sarajevo za 2024. godinu (dalje: Program), broj 02-04-49744-31.1/24 od 07.11.2024. godine.

U vezi sa tačkom 1. ovog zaključka Turističko vijeće Turističke zajednice Kantona Sarajevo je utvrdilo da se kriteriji utvrđeni Programom i Sporazumom zaključenim na osnovu Programa, na temelju kojeg se vršilo raspisivanje javnog poziva od strane Turističke zajednice Kantona Sarajevo, trebaju se izmjeniti tako da kriteriji obavezno budu: broj dolazećih putnika i poticaj avio-linijama koje operiraju na destinaciji koju Turistička zajednica Kantona Sarajevo targetira turističkom, a sve u svrhu razvoja turizma.

Na 25. redovnoj sjednici Turističko vijeće donijelo je sljedeće odluke:

1. Usvaja se prijedlog Finansijskog plana Turističke zajednice Kantona Sarajevo za 2025. godinu.
Prilog i sastavni dio ove Odluke čini prijedlog Finansijskog plana Turističke zajednice Kantona Sarajevo za 2025. godinu, broj 1940-6/24 od 04.12.2024.godine.
Prijedlog Finansijskog plana Turističke zajednice Kantona Sarajevo za 2025. godinu u skladu sa Zakonom o turizmu KS i Statuom Turističke zajednice Kantona Sarajevo prosljeđuje se Skupštini Turističke zajednice Kantona Sarajevo na postupanje.
2. Usvaja se prijedlog Programa rada Turističke zajednice Kantona Sarajevo za 2025. godinu.
Prilog i sastavni dio ove Odluke čini prijedlog Programa rada Turističke zajednice Kantona Sarajevo za 2025. godinu, broj 1940-4/24 od 04.12.2024.godine.
Prijedlog Programa rada Turističke zajednice Kantona Sarajevo za 2025. godinu u skladu sa Zakonom o turizmu KS i Statutom Turističke zajednice Kantona Sarajevo prosljeđuje se Skupštini Turističke zajednice Kantona Sarajevo na postupanje.

IV HITNE ELEKTRONSKE JEDNICE TURISTIČKOG VIJEĆA TURISTIČKE ZAJEDNICE KANTONA SARAJEVO

9. HITNA ELEKTRONSKA SJEDNICA

Na ovoj sjednici donijeta je sljedeća odluka:

1. Potvrđuje se davanje ovlaštenja članu Turističkog vijeća TZKS Elmi Bobeti za rukovođenje, predsjedavanje i potpisivanje akta nastalih na 18. redovnoj sjednici Turističkog vijeća TZ KS održane dana 22.01.2024. godine

10. HITNA ELEKTRONSKA SJEDNICA

Na ovoj sjednici donijeta je sljedeća odluka:

1. Usvaja se Pravilnik o izmjenama i dopunama Pravilnika o kriterijima i postupku dodjele sredstava za sufinansiranje projekata od značaja za turizam u Kantonu Sarajevo broj 667-4/24 od 08.04.2024. godine.
2. Prilog i sastavni dio ove odluke čini Pravilnik o izmjenama i dopunama Pravilnika o kriterijima i postupku dodjele sredstava za sufinansiranje projekata od značaja za turizam u Kantonu Sarajevo broj 667-4/24 od 08.04.2024. godine.

11. ELEKTRONSKA SJEDNICA

Na ovoj sjednici donijeta je sljedeća odluka:

1. O d l u k u o usvajanju prijedloga godišnjeg izvještaja o radu i prijedloga finansijskog izvještaja turističke zajednice kantona sarajevo za 2023. godinu bez revizorskog izvještaja
Prijedlog odluke o raspodjeli neraspoređenog viška prihoda

12. HITNA ELEKTRONSKA SJEDNICA

Na ovoj sjednici donijeta je sljedeća odluka:

1. O d l u k u o usvajanju Pravilnika o izmjeni i dopuni Pravilnika o kriterijima i postupku dodjele sredstava za sufinansiranje projekata od značaja za turizam u Kantonu Sarajevo.

13. HITNA ELEKTRONSKA SJEDNICA

Na ovoj sjednici donijete su sljedeće odluke:

1. Odluka o stavljanju van snage Odluke o usvajanju prijedloga izmjena i dopuna Finansijskog plana Turističke zajednice Kantona Sarajevo za 2024. godinu (broj 762-5/24 od 22.04.2024. godine)
2. Odluka o stavljanju van snage Odluke o usvajanju prijedloga izmjena i dopuna Programa rada Turističke zajednice Kantona Sarajevo za 2024. godinu (broj 762-3/24 od 22.04.2024. godine)
3. Odluka o usvajanju prijedloga izmjena i dopuna Finansijskog plana Turističke zajednice Kantona Sarajevo za 2024. Godinu
4. Odluka o usvajanju prijedloga izmjena i dopuna Programa rada Turističke zajednice Kantona Sarajevo za 2024. godinu

14. HITNA ELEKTRONSKA SJEDNICA

Na ovoj sjednici donijet je sljedeći zaključak:

1. Turističko vijeće Turističke zajednice Kantona Sarajevo insistira da prilikom provođenja postupka javne nabavke „Organizovanje zabavnih događaja – koncerti“ moraju biti ispoštovana dva kriterija: 1. kriterij da nastupa svjetska zvijezda i 2. organizacija koncerta izvan turističke sezone.

15. HITNA ELEKTRONSKA SJEDNICA

Na ovoj sjednici donijet je sljedeći zaključak:

1. Odluka o davanju saglasnosti predsjedniku Turističke zajednice Kantona Sarajevo na pokretanje postupka javne nabavke „Podrška pri realizaciji event-a za Turističku zajednicu Kantona Sarajevo Pozorišni trg 18.08.2024” kroz izmjenu Plana Javne nabavke ili donošenje posebne odluke.
2. Odluka o usvajanju Pravilnika o izmjeni Pravilnika o sufinansiranju projekata sa jedinicama lokalne samouprave

16. HITNA ELEKTRONSKA SJEDNICA

Na ovoj sjednici donijet je sljedeći zaključak:

1. Sve nove pozicije u sistematizaciji treba da ispunjavaju sve norme i standarde te obrazovne kvalifikacije koje treba da budu u skladu sa traženim radnim mjestom.
2. Prijedlog da u službi za odnose sa javnošću budu dva izvrsioca.
3. U službi za planiranje ek i fin poslove izbrisati drugog saradnika za kontrolu transfera.
4. TIC ukinut Hadzice otvoriti Iliđu planirati dva uposlenika po jednom TICu plus planirati u sezoni pojačati sa studentima

17. HITNA ELEKTRONSKA SJEDNICA

Na ovoj sjednici donijet je sljedeći zaključak:

1. Zaključak o ispravci tehničkih grešaka u ispravci tehničkih grešaka u prijedlogu izmjena i dopuna Programa rada Turističke zajednice Kantona Sarajevo za 2024. Godinu
2. Zaključak o o ispravci tehničkih grešaka u prijedlogu izmjena i dopuna Finansijskog plana Turističke zajednice Kantona Sarajevo za 2024. godinu

18. HITNA ELEKTRONSKA SJEDNICA

Na ovoj sjednici donijet je sljedeće odluke:

1. Daje se saglasnost na pete izmjene i dopune Plana javnih nabavki Turističke zajednice Kantona Sarajevo.
Za određivanje vrste postupka u petim izmjenama i dopunama Plana javnih nabavki Turističke zajednice Kantona Sarajevo nadležan je predsjednik Turističke zajednice Kantona Sarajevo.
Prilog i sastavni dio odluke čini peta izmjena i dopuna Plana javnih nabavki.
2. Daje se saglasnost na pokretanje postupaka propisanih petim izmjenama i dopunama Planom javnih nabavki Turističke zajednice Kantona Sarajevo.



Broj:651-4/25
Sarajevo, 18.04.2025. godine